

峒之遠甸咄嗟不盡千歲心他日須讀西域傳嗚呼材大
氣雄骨愈老此行功業非草草吞風早度玉門關功成頭
白奉恩還

五羊水驛再送鄉人朱元珮

前人

絲絲烟雨春江濕五羊水驛官船集醉來愁聽櫓歌聲歲
晚交投誰者益結交恨少千黃金多年空受嶺雲侵南風
吹船船去速建康之水何深沉與子把袂扶胥口手剪春
衣爲毋壽自言老住尉佗城吞聲折斷江邊柳江靈倒泣
海塵飛杜宇新啼歸不歸浮萍落絮爭如此那問燕京一
布衣君不見長嶽雲昭陵樹金魚幾夜悲秋雨崖門自古

難行路負母携兒催日暮蕭蕭白馬周原賦夢回失却淮南渡

刺史萬公七里河泛舟

彭始起

州人

時甲戌歲夏又五使君招泛湍河舟六門堤邊初放眼曲岸回汀景已幽賓從少長咸俱集頻看簫鼓起中流漁人舉網深潭下三十六鱗匕箸羞使君觴客客傳觴臂韝喧騰六博投千鍾能嚼不辭醉河朔有如此飲不移時維纜綠楊畔七里之湄古渡頭古渡綠楊萬樹稠天風颯颯海濤秋油幕高懸筵四開琵琶競奏雜箏篴三絃促刺偏剝聲能令聽者消煩憂歡場竟日忘長日紅日沉沉波面浮

使君興劇情未已手持弓發抗大侯分曹比耦黃間發鼓
音不絕交錯酬歸來帶得河邊月七里河邊歸帶月范文正句也還勝昔
人秉燭遊

拜鐵公祠輯碑文增入志詩以紀之

彭始超

州人

妖僧竄入北平邸黃瓦白帽大王喜視彼蜉蟻若江南
費籌度兩日爾城頭木主書高皇鐵板下之不能死真龍
蹕跳金川門小子無知何至此截耳劓鼻一顧難寧甘合
族磔東市同時死者多轟烈或爲公義競激起帝權能行
十族誅不能禁此百世祀我今翦棘讀殘碑手撫遺文光
乘史感公徃事三嘆息天道盈虧相移倚長陵松栢久爲

薪尙書俎豆猶珂里

睢陽故里

李鴻州人

君不見當年吾鄧張睢陽虬鬚挺軀七尺長左手把筆右
彎弓喧赫事業著旂常憶昔天寶俶亂時宋曹等郡勢披
靡爾時起兵誓討賊與衆痛哭玄元祠承制經畧竟以東
天子畫像朝行宮手屠六將士心勸嚴疆守戰樹奇功寧
陵路絕厄軍糧三千羸卒保睢陽經年置食困危城殺妾
那顧兒女情鼠已掘盡雀已羅援兵不至奈天何西向再
拜惟一死孤臣力竭心已矣獨撐半壁遮江淮天下不亡

功在此

鐵公祠

睢陽張公並祀

姚之琅

病虎入燕燕王反迂儒謀國薦景隆百萬天兵一朝破乳
臭之將走山東勢成破竹意氣盛揮鞭疾走無堅塘濟南
叅政智且勇獨挺忠義扶蒼穹鐵板驟下馬首碎如椎副
車驚祖龍攻具已焚礮不發堅守三月燕技窮轉戰東昌
張玉死褫魄卽在兩日中從此改道下徐沛敗將開門屠
群忠就中最烈惟我公背立殿陛髮上衝穿齧裂皆不反
顧肉甘一任寸磔空沸鼎炊骨鐵义舉公面未轉浩氣冲
灑油飛火內侍泣兩手糜爛代皇躬精魂直上駕飛龍長
揖睢陽還舊邦至陽招陟帝左右血食下土長無終蒼天

王氣鍾鄧土睢陽與公千載同明社已遷祠不廢刳羊奠
醴鳴鼓鍾鳴呼病虎亦知讀書種子不可絕恐使忠臣族
族紅

謁鐵公祠

在州大東關以張睢陽並祀

蔣光祖

穰城之左傍東鄙古祠高樹獨徙倚我來拜登心拱肅忠
烈名傳鐵公是北平帝子窺神州靖難兵揮若颺起濟南
屏幃蔽江南阻遏其勢公獨駛高皇木主墜城頭鐵板下
之幾披靡舍之而去扼金陵肝胆不遂爲切齒勁骨百折
不可回屈令一顧難爾爾剗鼻截耳甘如飴鼎沸灰飛烈
猶矢忠精赫赫雷行空地老天荒公不死枯木寒鴉幾夕

陽古廟遺容儼尺咫瞻拜恍惚見羹牆壁壞垣頽精未圯
燕王富貴安在哉故宮禾黍而已矣更有睢陽同廟食勝
國李唐美相比二公皆鄧產忠烈相同真勅敵也梓里位置成天然俎豆
交輝同山峙

桃花洞閒步看雲過雙栢杪

蔣光祖

半檐雲脚風吹斷桃花洞口飛片片獨步空庭意孑然自
識浮蹤多聚散古栢蒼蒼臨風前風雨不動幹彌堅君不
見雲去雲來常如此此老勁骨欲參天

閏清和月查點牌甲住北城之黑龍集終夜大雨如
注枕上放歌

蔣光祖

小麥將枯大麥黃
昀昀需澤皆有之
南東其畝待霑足
雨潤未徧嫌參差
忽得甘霖終夜沛
東傾西注縱橫宜
盈溝灌澮溪聲遠
迸漏關更客夢癡
悠然動我思江郭
方塘漲水圍書閣
黃梅青草吟佳句
洗我俗塵萬斛惡
今宵枕上矢歡歌
遮莫鄉闕企前約
眼前且爲喜雨吟
黑龍布澤珠錯落

五言律

冬月宴于庶子宅

唐岑文本

州人

金蘭篤惠好樽酒
暢生平旣欣投轄
賞暫緩望鄉情
愛景含霜晦落照
帶風輕於茲歡宴
洽寵辱詎相驚

餞唐州高使君赴任

唐岑義州人

蒼茫南塞地明媚上春時目極傷千里懷君不自持征車
別岐路斜日下崦嵫一歎輶軒阻悠悠卽所思

奉和九日登慈恩寺浮圖

前人

寶臺聳天外玉輦步雲端日麗重陽景風搖季月寒梵堂
遙集鴈帝樂近翔鸞願獻延齡酒長承湛露歡

過樂鄉

唐陳子昂

故鄉杳無際日暮且孤征川原迷舊國道路入邊城野戍
荒煙斷深山古木平如何此時恨噉噉夜猿鳴

晚入沐河

唐崔灝

昨晚南行楚今朝北汭河客愁能幾日鄉路漸無多晴景
搖津樹春風起棹歌長淮亦已盡寧復畏湘波

林卧

唐岑參州人

偶得魚鳥趣復茲水木涼遠峯帶雨色落日搖川光白中
西山藥袖裏淮南方唯愛隱几時獨遊無何鄉

酬崔十三侍御登玉壘山思故園見寄

前人

玉壘天晴望諸峯盡覺低故園江樹北斜日嶺雲西曠野
看人小長空共鳥齊山高徒仰止不得日攀躋

詠郡齋壁畫片雲

前人

雲片何人畫塵侵粉色微未曾行雨去不見逐風歸只恠
偏疑壁回看欲惹衣丹青忽借便移向帝鄉飛

和張二自穰縣還途中遇雪

唐
孟浩然

風吹沙海雪漸作柳園春宛轉隨香騎輕盈伴玉人歌疑
郢中客態比洛川神今日南歸楚雙飛似入秦

聞笛

唐
張巡
州人

砧堯試一臨虜騎俯城陰不辨風塵色安知天地心門開
逐月近戰苦陣雲深旦夕更樓上遙聞橫笛音

木芙蓉

唐
韓愈
州人

新開寒露叢遠比水間紅艷色寧相妬嘉名偶自同採江

秋節晚寒木古祠空須勤勤來看無令便逐風

咏龜

唐趙宗儒
州人

有靈堪託夢無心解自謀不能著下伏強從蓮上游負圖
非所異支牀空見曲儻蒙一曳尾當爲屢迴頭

涅陽館

唐賈島

客愁何並起暮送故人迴廢館秋螢出空城寒雨來夕陽
飄白露樹影掃青苔獨坐離容慘孤燈照不開

與季申信道自光化復入鄧書事

宋陳與義

再來生白髮重見鄧州春依舊城西路桃花不記人卜居
得窮巷月色滿意新微吟驚士卒獨鶴語城闌

月觀追和鄧州相公席上韻

金元好問

月觀知名舊池亭發興偏露涼驚夜鶴風細咽秋蟬綠泛
兵厨酒紅依幕府蓮無緣逐清景空羨飲中仙

過湍河

前人

石門歸馭引湍浦漁舫並曠蕩萬景新歸藏四山靜平湖
風漪綠遠岸秋沙淨洋洋遊魚逝汎汎輕鷗泳

送宿衛將出守鄧州

明高啓

中郎身領仗宿衛在承明舊射雙鵬落新乘五馬行紅雲
遙魏闕白水近穰城好勸諸年少春來賣劍耕

百花洲

明何海晏

水曲分杯土洲前繞百花短橋通徑竹深樹隱漁家地古
風煙寂時豐草木華何當乘夜月艤艇醉流霞

宛西多樂地好是百花洲市近通新酒蘆深狎野鷗溪流
侵淺碧隰草藉豐柔日暮重回首能無范老憂

郡齋瑞雪

明 潘庭楠 知州

久苦旱雲賦今忻瑞雪篇五花傳帝澤層玉及私田細灑
看無極勻霑卜有年瓣香呼赤子萬祝向堯天

棘陽城

明 李 蓁

病體秋能減幽思野倍清獨尋古穰道來上棘陽城樓迥
高風度沙寒宿霧平却思古申伯千載尚隆名

百花洲

前人

寥落百花洲名緣范老畱登臨餘蔓草樽俎到荒邱平野
蒼雲壓高林紅葉稠晚風吹轡急歸興颯新秋

送家鑑弟南歸

明李永茂
州人

誰共千秋事天涯弟與兄報君磨古劍勵志請長纓馬首
歸程遠歷行別緒縈故園刁斗急珍重少年行

東郊看桃花

陳丹
知州

並轡東臯去行行日竟斜鴉藏污柳色馬汗染桃花村酒
野人醉山疏只箇賒忽然成獨返翻覺嬾還家

獨酌桃花下頽然竟日留花香心欲醉吏俗願難酬不負

歸途便何殊特地遊希文多惠政今始頌芳洲

狄陂寺

彭而述

我聞王太守弱冠治穰州召杜人空往河渠書尙留顏垣
馳黠鼠老衲餽黃牛寂歷前朝事佛圖片石頭

城頭春霽

前人

雪霽纔今日烟光只去年饑鳥留禿樹乾雀窺葑田百里
山川迥一城簫鼓闐可知此夜月應較往時圓

孤塔回晴幕一尊入晚霞關山憐斷雁原隄散歸鴉勝事
催花鼓幽心起暮笳行年空老大蹉跎問春華

冠軍城

前人

舊封傳戚里知是漢家侯五劇蓬蒿滿一村薜荔秋江山
存石馬風雨入鵲鷁莫問臨湍縣黃沙古渡頭

張村寺

前人

正馬逢秋霽殘磚入廢廬土垣餘茂草山堡見桑田魑魅
馮人嘯麒麟傍塚眠商飈吹不極落葉滿晴川

鐵鍋

前人

是日來西郭春風盪馬頭高臺惟見寺老樹但呼鳩土餽
前朝鼎城傳故國侯湍流還無恙浴鷺滿平洲

和刺史陳公東郊桃花韻

萬會極

州人

郊野實屯樹郊行眼可留况高詩足寫境勝酒能酬愧我